



BASES DO CONCURSO
XXXI Concurso de Música Tradicional Xacarandaina
Centro Cultural Ágora, A Coruña
29 de maio de 2022

MODALIDADES:

- A) PANDERETEIROS/AS
- B) GAITEIROS/AS SOLISTAS (ESPECIALIDADE EN TOQUE PECHADO)

1. Neste concurso poden participar grupos de Asociacións Folclóricas, Recreativas, Culturais, de Veciños, Centros Parroquiais etc. nas modalidades de pandereiteiras/os, así como todos os gaiteiros/as solistas que o desexen.

2. A modalidade de pandereiteiras/os distribúese en catro categorías:

- Categoría A: ata 10 anos.
- Categoría B: de 10 a 14 anos.
- Categoría C: de 14 a 18 anos.
- Categoría D: de 18 anos en diante.

Nas modalidades de pandeireta a categoría determinarase pola media das idades dos compoñentes, tendo en conta que ningún deles debe superar o límite da categoría en máis de dous anos.

3. Na modalidade de gaiteiros/as solistas establécese unha única categoría sen límite de idade.

Ao igual que na pasada edición, queremos recuperar e poñer en valor a forma de interpretar o instrumento en toque pechado, sendo este xeito de tocar o máis antigo do país.

É obrigatorio o uso do toque pechado nesta categoría.

As gaitas deberán ser galegas, quedando excluídas as foráneas. O/A gaiteiro/a poderá levar un só acompañante (por exemplo: tamboril, caixa, pandeireta ou calquera instrumento de percusión considerado tradicional, quedando excluídos os de material sintético).

4. É obrigatorio o uso do traxe tradicional galego en todas as modalidades.

5. A peza a interpretar deberá ser tradicional ou popular, nunca de autor. No caso de que a A. C. Xacarandaina tivera que pagar á S.G.A.E. pola interpretación dunha peza de autor, remitiríamos o pago ao grupo correspondente.

6. No momento da cualificación, o xurado terá en conta:

- Autenticidade e dificultade da peza.
- Afinación e interpretación.
- Expresividade na interpretación.

O XURADO ESTARÁ COMPOSTO POR PERSOAS ALLEAS A A. C. XACARANDAINA. O XURADO TERÁ A LIBERDADE DE ESIXIR O D.N.I. OU LIBRO DE FAMILIA, NON PODERÁN QUEDAR PREMIOS DESERTOS EN NINGUNHA DAS CATEGORÍAS.

7. Cada grupo terá un tempo límite de 5 minutos para realizar a súa interpretación. O grupo que exceda dito tempo quedará descualificado. No caso dos GAITEIROS/AS SOLISTAS contarán a maiores cun minuto que poderán empregar exclusivamente para afinar, rematado este minuto serán avisados pola organización e deberán comezar coa peza.

8. Os premios serán os seguintes:

- Na modalidade de pandereiteiros/as:

- 1º premio: trofeo e 250 €
- 2º premio: trofeo e 100 €
- 3º premio: trofeo

- Na modalidade de gaiteros/as solistas:

- 1º premio: trofeo e 400 €
- 2º premio: trofeo e 200 €
- 3º premio: trofeo e 100 €

Se o número de grupos participantes nunha categoría é inferior a cinco, outorgarase un único premio. (Trofeo e 250 € na modalidade de pandeireta e trofeo e 400 € na modalidade de solistas)

9. O concurso terá lugar o sábado 29 de maio no Centro Cultural Ágora da Coruña, sito na rúa Ágora s/n - 15010. Está previsto que o concurso se desenvolva ao longo de todo o día, mañá e tarde, incluída a entrega de premios correspondente. Debido a que é imposible superar a participación de 75 grupos, chegado a este número non se aceptarán máis solicitudes. Polo tanto, seguirase de forma estrita a orde de inscrición.

A hora de presentación, orde e normas dos grupos participantes serán enviadas previo o concurso vía correo electrónico.

10. O PRAZO DE INSCRICIÓN REMATA O DÍA 15 DE MAIO.

11. As inscricións poden realizarse a través da nosa páxina web www.xacarandaina.gal ou enviando debidamente cumprimentada a folla de inscrición adxunta por:

- Correo ordinario ao local social: A.C. Xacarandaina, Rúa Historiador Vedía nº3, soto 1º, 15004 A Coruña.
- Correo electrónico: info@xacarandaina.com

EXCLÚESE A VÍA TELEFÓNICA PARA REALIZAR AS INSCRICIÓN E NON SE ADMITIRÁ NINGUNHA INSCRICIÓN POSTERIOR A ESTA DATA.

Co fin de obter un arquivo gráfico, a organización realizará fotografías e vídeos do concurso. Estes documentos gráficos serán incluídos nun ficheiro debidamente rexistrado na Axencia Española de Protección de Datos do que é titular a ASOCIACIÓN CULTURAL XACARANDAINA e poderán ser utilizados pola Asociación para mostrar tanto no local social como na web www.xacarandaina.gal, así como para a elaboración de carteis e publicidade dos eventos ou actividades que se realice a Asociación.

A A.C. Xacarandaina aclarará calquera dúbida a través do teléfono 981 277 315 ou por correo electrónico <mailto:info@xacarandaina.com>.